



Broj: 02-02-140-5/25
Sarajevo, 17.03.2025. godine

Na osnovu člana 69. stav (3), člana 70. stav (1), (4) i (6), Zakona o javnim nabavkama („Službeni glasnik BiH“, br: 39/14, 59/22 i 50/24), člana 16. Statuta Kantonalnog stambenog fonda Sarajevo, broj: 02-169-2/2006 od 16.02.2006. godine i broj 01-1344-5/2012 od 27.07.2012. godine, odredaba Pravilnika o javnim nabavkama Kantonalnog stambenog fonda Sarajevo, broj: 02-03-416/23 od 21.03.2023. godine i 02-03-1838/24 od 11.12.2025.godine, direktor Kantonalnog stambenog fonda Sarajevo (u daljnjem tekstu: Fond), **donio je**

ODLUKU

o otkazivanju postupka javne nabavke fiksne telefonije i interneta

Član 1.

Otkazuje se postupak javne nabavke usluga - nabavka fiksne telefonije i interneta iz razloga što ne postoji tehnička mogućnost uspostavljanja adekvatnog paketa usluga koji bi zadovoljio potrebe Kantonalnog stambenog fonda Sarajevo, u skladu sa članom 69. stav (3) Zakona o javnim nabavkama („Službeni glasnik BiH“, br: 39/14, 59/22 i 50/24).

Član 2.

Za realizaciju ove odluke zadužen je Odjel za pravne i ekonomske poslove Fonda.

Član 3.

Ova odluka objavit će se na web stranici Ugovornog organa - www.ksfs.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Član 4.

Ova odluka stupa na snagu danom donošenja i dostavlja se ponuđačim koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Planom javnih nabavki Kantonalnog stambenog fonda Sarajevo, broj: 02-03-1339/24 od 11.12.2024. godine planirana je javna nabavka usluga - nabavka fiksne telefonije i interneta.

Nakon provedenog postupka prethodne provjere tržišta Poziv za dostavu ponuda u postupku javne nabavke usluga - nabavka fiksne telefonije i interneta, putem Direktnog sporazuma, u kojoj je predviđena procijenjena vrijednost predmetne nabavke u iznosu od 1.500 KM bez PDV-a, upućen je ponuđaču „BH Telecom“ d.d. Sarajevo.

Rok za dostavljanje ponuda je bio **do 05.02.2025. godine do 12:00 sati**.

Kriterij za dodjelu Ugovora o nabavci usluga – nabavka fiksne telefonije i interneta za izbor je najniža cijena.

U krajnjem roku za prijem ponuda na e-mail Ugovornog organa zaprimljena je ponuda od ponuđača „BH Telecom“ d.d. Sarajevo.



U postupku pregleda i ocjene zaprimljene ponude izvršena je analiza iste, te konstatovao da Ponuda zadovoljava sve Zahtjeve iz Poziva za dostavu ponude.

U postupku naknadne komunikacije sa službenicom „BH Telecoma“ u cilju realizacije ove nabavke utvrđeno je da je potrebno promijeniti paket usluga, odnosno da više nije u funkciji stari, koji smo koristili u proteklom periodu, već imaju nove pakete koje su prilagodili našim potrebama.

Osim toga, nakon što je službenik iz tehničke podrške „BH Telecoma“ izašao na teren i izvršio pregled postojeće opreme dana 07.03.2025. godine te utvrdio da je oprema zastarjela i da ne podržava nove pakete kao i da se mora sačekati realizacija „optike“ odnosno FTTH/B ili optičke mreže kao vid najmodernije vrste žične mreže.

Obzirom da je rad Kantonalnog stambenog fonda Sarajevo ugrožen odnosno nema osnovnog uslova za rad, tj. interneta, i obzirom da nemamo podatak za koje vrijeme se mogu otkloniti tehničke smetnje da bi se usluge pružale od strane ponuđača „BH Telecom“ d.o.o Sarajevo, neophodno je otkazati predmetnu javnu nabavku i pronaći operatara koji može u potpunosti pružiti adekvatne usluge interneta i telefonije u što kraćem roku kako bi rad Ugovornog organa bio siguran i neometan.

Slijedom naprijed navedenog, primjenom člana 69. stav (3) Zakona o javnim nabavkama BiH, odlučeno je kao u dispozitivu Odluke.

Pouka o pravnom lijeku: Protiv ove Odluke žalba nije dopuštena

Dostaviti:

1. Ponuđačima putem e-maila;
2. Odjel za pravne i ekonomske poslove;
3. U evidenciju;
4. U a/a.

DIREKTOR
Omer Alajbegović

